



partii naleraq

Nuuk 30. oktober 2018

UKA2018/83

Hans Enoksen Partii Naleraq

Nalakkersuisut pisussaaffilerneqassasut kingusinnerpaamik UA/2019-imi aningaasaateqarfimmik pilersitsinissamik siunnersuuteqassasut Kalaallit Nunaanni isumagininnikkut ajornartorsiutaasunik ilisimatusarnissanut, nalilersuinissanut pinaveersaartitsinissanut misissuinissanullu atorneqartussamik. Meeqqat inuusuttullu navianartumik inissisimasut - imaluunniit meeqqat inuusuttullu navianartorsiortinneqarnissaminnut aarlerinartumiittut ilaqaataallu pingaarnerusutigut aningaasaateqarfiup siunertatut siunertarissavaa. Siusinaarluni iliuitsit, aningaasarsionertigut siusinaarluni iliuseqarusulersitsisunik ingerlatinnarlunilu iliuseqarnissat aamma periutsinik nalimmassaanerit, inunnik isumaginninnermi katsorsaanssamik allanillu neqeroorutit aningaasaateqarfimmi ukkatarineqarnerussapput.
(Inatsisartunut ilaasortaq Tillie Martinussen, Suleqatigiissitsisut)

Inatsisartunut ilaasortaq Tillie Martinussen Suleqatigiissitsisut, Inatsisartunut saqqummiussaqarpoq tassalu aningaasaateqarfimmik pilersitsinissamik isumaginninnikkut ajornartorsiutaasinnaasunik ilisimatusarnissamut meeqqat inuusuttullu pillugit tamannalu oqaaseqarfigissavarput.

Meeqqat inuusuttullu inuunerminni ilaatigut inuttut ingerlanerminni ajornartorsiutit sapinngisamik minnerpaamik atugaasariaqartut, ilaatigullu atugaasariaqanngikkaluartut Partii Naleqqamik isumaqarpugut.

Meeqqat inunngornerminni atugaasa pitsaasumik aqutissiunnissaat pingaartorujussuaq ilisimavarput, tassami meeraanermi ullut pitsaasumik avatangiiseqarfiullutik ingerlappata malunnartumik inuiaqatigiinni ingerlalluarnerusinnaanerput angusinnaagatsigu. Soorunami aamma inuusuttunngulersut ullumikornit pitsaanagerusumik aallunnerulerutsigit ineriartorneranni ilinniartitaanermi ulluinnarnilu inuunerminni ilinniarfissaqarnissaat suliffissaqarnissaallu ullumikkornit qulakkeernerusinnaagutsigit atugassarititaasut ajunnginnerussaqsit takusinnaavaarput.

Siunnersuuteqartup siunnertaq saqqummiussaa anguniaqarpoq tassalu siusinaarluni suliniutit pingaartumik meeqqat inuusuttullu eqqarsaatigalugit piaarnerusumik aallartinneqartassasut, isumarlu tamanna ajunngilluinnarpoq, tassami takussutissaqartarpugut kingusinaarluta allartikkaangatta ajornartorsiutinngortup aaqinniartarnerat assut ilaatigut ilungersunartorujussuanngortartut.

Ukiuni kingullerni qujanartumik pikkoriffiartulerparput siusinnersumik qanoq iliuseqarsinnaanerit immaqa ilaatigut suli siusinnerusinnaagaluartut suliniutit aallartittarneri. Tassuuna Naalakkersuisut kommunit allallu suliniaqatigiiffiit nersualaartariaqarput malunnarluartumik ataatsimoorussilluni suliniutinik aallussaqariartuinnarneq pitsaasup tungaanut ingerlalernala malunnarsiartuinnarmat.

Uanilu Naalackersuisut akissuteqarnerminni tunngavilersutaat paasilluarpagut, tassalu suliniutit ilaat aallartilluareersimasut, aammalu tamanna kisiat uniffiginagu, suli pitsaanerusumik angusaqarnissaq anguniarlugu nutaanik aallartitsiniartut, paasissutissat ullumikkornit pitsaanerusut amerlanerusullu suliniarnermi tunngavissat anguniarlugit.

Taamatut oqaaseqarluta Naalackersusiut tunngavilersutaat paasilluarlugu itigartitsinissamik oqariartuuteqarnerat taperserparput.